

6. gr.

Svæðisstjórn skal fylgjast með því, að fé það sem veitt er samkvæmt reglugerð þessari, komi að tilætluðum notum.

7. gr.

Rísi ágreiningur um lán eða styrkveitingar eða endurgreiðslu lána sker stjórnarnefnd úr um, en skjóta má úrskurði hennar til ráðherra.

Reglugerð þessi er sett samkv. 2. tl. 19. gr. laga nr. 41/1983 um málefni fatlaðra og öðlast gildi þegar í stað.

Félagsmálaráðuneytið, 29. apríl 1986.

Alexander Stefánsson.

Margrét Margeirsdóttir.

REGLUGERÐ

um röntgentækna.

1. gr.

Rétt til þess að starfa sem röntgentæknir hér á landi og kalla sig röntgentækni hefir sá einn, sem til þess hefir leyfi heilbrigðismálaráðherra.

2. gr.

Leyfi samkvæmt 1. grein má aðeins veita þeim, sem lokið hefir prófi í röntgentækni frá Tækniskóla Íslands. Einnig má veita þeim leyfi, sem lokið hefur hliðstæðu námi erlendis, sé námið viðurkennt sem slíkt af heilbrigðisyfirvöldum þess lands þar sem námið var stundað. Áður en leyfið er veitt samkvæmt þessari málsgrein skal leita umsagnar landlæknis og Röntgentæknafélags Íslands.

3. gr.

Óheimilt er að ráða til röntgentæknastarfa aðra en röntgentækna og röntgenjúkrunarfræðinga.

4. gr.

Röntgentæknir framkvæmir röntgenrannsóknir og aðrar rannsóknir á fólki með myndgerðartækni samkvæmt fyrirmælum og á ábyrgð læknis.

5. gr.

Röntgentækni er skylt að gæta þagmælsku um atriði, sem hann fær vitneskju um í starfi sínu og leynt skulu fara samkvæmt lögum eða eðli málsins. Þagnarskylda helst þótt hann láti af störfum.

6. gr.

Röntgentækni ber að þekkja skyldur sínar, viðhalda þekkingu sinni og tileinka sér nýjungar í starfi.

7. gr.

Um röntgentækna gildir að öðru leyti og eftir því sem við á ákvæði læknalaga nr. 80/1969, með síðari breytingum um viðurlög í starfi, sviptingu löggildingar starfsréttinda og endurveitingu þeirra.

8. gr.

Reglugerð þessi er sett samkvæmt heimild í lögum nr. 24/1985 um starfsheiti og starfsréttindi heilbrigðisstétta og öðlast þegar gildi. Jafnframt fellur úr gildi reglugerð nr. 209/1971 um Röntgentæknaskóla Íslands.

Heilbrigðis- og tryggingamálaráðuneytið, 28. apríl 1986.

Ragnhildur Helgadóttir.

Páll Sigurðsson.

30. apríl 1986

Nr. 246

AUGLÝSING

um staðfestingu á aðalskipulagi Neshrepps utan Ennis 1985—2005.

Samkvæmt skipulagslögum nr. 19 21. maí 1964 hefur ráðuneytið hinn 30. apríl 1986 staðfest uppdrátt af aðalskipulagi Neshrepps utan Ennis 1985—2005.

Uppdráttur þessi hefur hlotið þá meðferð, sem skipulagslög nr. 19/1964 mæla fyrir um. Hreppsnefnd Neshrepps utan Ennis hefur samþykkt hann og skipulagsstjórn ríkisins mælt með að hann verði samþykktur.

Aðalskipulag Neshrepps utan Ennis 1985—2005 leysir af hólmi aðalskipulag Hellisands sem staðfest var af ráðuneytinu 19. september 1972.

Félagsmálaráðuneytið, 30. apríl 1986.

F. h. r.

Hallgrímur Dalberg.

Pórhildur Líndal.

5. maí 1986

Nr. 247

AUGLÝSING

um niðurfellingu reglna nr. 234 18. apríl 1980.

Hér með eru felldar úr gildi reglur nr. 234 18. apríl 1980, um lækkun aðflutningsgjalda af bifreiðum til atvinnubifreiðastjóra og ökukennara svo og önnur fyrirmæli um framkvæmd 41. tl. 3. gr. laga nr. 120 31. desember 1976, um tollskrá o. fl. Skal kvöðum sem þinglýst kann að hafa verið á bifreiðar í samræmi við reglurnar skilyrðislaust af þeim létt.

Fjármálaráðuneytið, 5. maí 1986.

F. h. r.

Sigurgeir Jónsson.

Sigurgeir A. Jónsson.